

3. *QUEKETTIA CARINATA* COGN. pseudobulbis minutissimis, ovoideis, basi bifoliatis; foliis brevibus, carnosulis, anguste linearibus, teretiusculis, supra tenuiter sulcatis, apice acutissimis; pedunculo communi ascendente, capillari, simplici, 1—3-floro; floribus minutis, subsessilibus, segmentis membranaceis; sepalis usque ad basin liberis, lanceolatis, breviter acuminatis, dorso acute carinatis, lateralibus paulo longioribus; petalis oblongo-lanceolatis, acutis subacuminatis, dorso acute carinatis, sepalo dorsali subaequilongis; labello erecto, superne paulo incurvo, sepalis lateralibus satis longiore, carnosulo, oblongo-ligulato subspathulato, ad medium non constricto, apice abrupte acutissimo, disco fere usque ad apicem latissime crasseque calloso, callo carnosulo, convexo, laevi, apice rotundato non producto; columna crassa, brevissima, auriculis elongatis, lineari-subulatis, antice porrectis, superne valde recurvis; anthera supra leviter sulcata, antice anguste longaque producta, apice truncata incrassata.

Tabula nostra XXXV. Fig. III (analysis).

Capanemia carinata Barb. Rodr. Gen. et Spec. Orch. Nov. II. 243 (1882).

PSEUDOBULBI . . . FOLIA . . . PEDUNCULUS . . . FLORES albi. SEPALA satis concava, inferne valde attenuata, $\frac{1}{2}$ mm. lata, dorsale erectum, superne paulo incurvum, 2 mm. longum, lateralia erecto-patula, satis obliqua, $2\frac{1}{4}$ — $2\frac{1}{2}$ mm. longa. PETALA erecto-patula, superne leviter incurva, satis obliqua, inferne valde attenuata, $1\frac{3}{4}$ —2 mm. longa, $\frac{2}{3}$ mm. lata. LABELLUM paulo concavum, 3 mm. longum, superne 1 mm. latum. COLUMNA laterariter leviter compressa, basi satis constricta, $\frac{1}{2}$ mm. longa. — Species mihi haud visa; descript. ex op. supra cit. et ex icon. analyt. a cl. BARB. RODR. communic.

Habitat in sylvis humidis supra arbores ad Serra da Mantiquyra prope Sitio prov. Rio de Janeiro: Barbosa Rodrigues. — Floret Septembri.